

宋麻沙本老子
道德經

天祿琳琅叢書之一

張允亮



中華民國二十年
故宮博物院影印

老子道德經序

太極左仙公葛

玄造

老子體自然而然生乎太無之先起乎無因經
歷天地終始不可稱載終乎無終窮乎無窮極
乎無極故無極也與大道而倫化爲天地而立
根布炁於十方抱道德之至溥浩浩蕩蕩不可
名也煥乎其有文章巍巍乎其有成功淵乎其
不可量堂堂乎爲神明之宗三光持以朗照天
地稟以得生乾坤運以吐精高而無民貴而無
位覆載無窮是教八方諸天普弘大道開闢以

前復下爲國師代代不休人莫能知之匠成萬物不言我爲玄之德也故衆聖所共尊道尊德貴夫莫之命而常自然惟老氏乎周時復託神李母剖左腋而生生即皓然號曰老子老子之號因玄而出在天地之先無衰老之期故曰老子世人謂老子當始於周代老子之號始於無數之劫甚窈窈冥冥眇邈久遠矣世衰大道不行西遊天下關令尹喜曰大道將隱乎願爲我著書於是作道德二篇五千文上下經焉夫五千文宣道德之源大無不苞細無不入天人之

自然經也余先師有言精進研之則聲叅太極
高上遙唱諸天歡樂則携契玄人靜思期真則
衆妙感會內觀形影則神炁長存體洽道德則
萬神震伏禍滅九陰福生十方安國寧家孰能
知乎無爲之文滂之不辱飾之不榮撓之不濁
澄之不清自然也應道而見傳告無窮常者也
故知常曰明大道何爲哉弘之由人斯文尊妙
可不極精乎粗述一篇唯有道者寶之焉

河上公者莫知其姓名也漢孝文皇帝時結草
爲庵于河之濱常讀老子道德經文帝好老子

之言詔命諸王公大臣州牧二千石朝直衆官
皆令誦之有所不解數句時天下莫能通者聞
侍郎裴楷說河上公誦老子乃遣詔使賚所不
了義問之公曰道尊德貴非可遙問也文帝即
駕從詣之帝曰普天之下莫非王土率土之濱
莫非王臣域中有四大王居其一也子雖有道
猶朕民也不能自屈何乃高乎朕足使人富貴
貧賤須臾河上公即拊掌坐躍冉冉在虛空之
中如雲之昇去地百餘丈而止於玄虛良久俛
而荅曰今上不至天中不累人下不居地何民

之有陛下焉能令余富貴貧賤乎帝乃悟之知是神人方下輦稽首禮謝曰朕以不德忝統先業才不任大憂於不堪雖治世事而心敬道德直以暗昧多所不了惟蒙道君弘愍有以教之則幽夕覩太陽之曜光河上公即授素書老子道德經章句二卷謂帝曰孰研此則所疑自解余註是經以來千七百餘年凡傳三人連子四矣勿示非其人文帝跪受經言畢失其所在論者以爲文帝好老子大道世人不能盡通其義而精思遐感上徹太上道君遣神人特下教之

老子序
三
便去耳恐文帝心未純信故示神變以悟帝意
欲成其道真時人因號曰河上公焉

麻沙劉通判宅

刻梓于仰高堂

老子篇目

道經

河上公章句第一

體道第一

養身第二

安民第三

無源第四

虛用第五

成象第六

韜光第七

易性第八

運夷第九

能為第十

無用第十一

檢欲第十二

馱恥第十三

贊玄第十四

顯德第十五

歸根第十六

河上公章句第二

淳風第十七

俗薄第十八

還淳第十九

異俗第二十八

虛心第二十一

益謙第二十二

虛無第二十三

苦恩第二十四

象元第二十五

重德第二十六

巧用第二十七

反朴第二十八

無爲第二十九

儉武第三十

偃武第三十一

聖德第三十二

辯德第三十三

任成第三十四

仁德第三十五

微明第三十六

爲政第三十七

德經

河上公章句第三

論德第三十八

法本第三十九

去用第四十

同異第四十一

道化第四十二

徧用第四十三

立戒第四十四

洪德第四十五

儉欲第四十六

鑒遠第四十七

忘知第四十八

任德第四十九

貴生第五十

養德第五十一

歸元第五十二

益證第五十三

修觀第五十四

玄符第五十五

玄德第五十六

淳風第五十七

順化第五十八

守道第五十九

河上公章句第四

居位第六十

謙德第六十一

爲道第六十二

恩始第六十三

守微第六十四

淳德第六十五

後已第六十六

三寶第六十七

配天第六十八

玄用第六十九

知難第七十

知病第七十一

愛已第七十二

任為第七十三

制惑第七十四

貪損第七十五

戒強第七十六

天道第七十七

任信第七十八

任契第七十九

獨立第八十

顯質第八十一

老子篇目終

音註河上公老子道經

東萊先生呂

祖謙

重校



河上公章句第一

體道第一

道可道

謂經術政教之道也

非常道

非自然長生之道也常道當以無為養神無事安民含光

藏暉滅迹匿端不可稱道

名可名

謂富貴尊榮高世之名也

非常名

非自然常在之名也常名

愛如瓊兒之未言雞子之未分明珠在蚌中美玉處石間內雖昭昭外如愚頑

無名天地之始

無名者謂道道無形故不可名也始者道本也吐氣布化出於虛無為天地本始也

有名萬物之

母

有名謂天地天地有形位陰陽有柔剛是其有名也萬物母者天地含氣生萬物長大成熟如母之養子

故

常無欲以觀其妙

妙要也人常能無欲則可以觀道之要要謂一也一出布名道讚叙

明是非也常有欲以觀其徼徼歸也常有欲之人可以觀此

兩者同出而異名兩者謂有欲無欲也同出者同出人

者長存名有欲者亡身也同謂之玄玄天也言有欲之人與玄之又

玄天中復有天也稟氣有厚薄得中和滋衆妙之門能

天中復有天稟氣有厚薄除情去欲守中和是謂知道要之門戶也

養身第二

天下皆知美之為美自揚已美使顯彰也斯惡已有危亡也皆知

善之為善有功名也斯不善已人所爭也故有無相生見有而為

也無也難易相成見難而為易也長短相形見短而為長也高下相傾見高

而為下也音聲相和上唱下必和也前後相隨上行下必隨也是

傾去營反

以聖人處無爲之事

以道治也

行不言之教

以身師導之也

萬

物作焉

各自動也

而不辭

不辭謝而逆止

生而不有

元氣生萬物而不有

爲

而不恃

道所施爲不特望其報也

功成而弗居

功成事就退避不居其位

夫惟弗

居

夫惟功成不居其位

是以不去

福德常在不去其身也此言不行不可隨不言不可知疾上六句有高下長短

君開一源下生百端百端之變无不動亂

安民第三

不尚賢

賢謂世俗之賢辯口明文離道行權去質爲文也不尚者不貴之以祿不貴之以官

使民不

爭

不爭功名返自然也

不貴難得之貨

言人君不御好珍寶黃金棄於山珠玉捐於淵

使民不爲盜

上化清淨下无貪人

不見可欲

放鄭聲遠美入

使心

不亂

不邪淫不惑亂也

是以聖人治

說聖人治國與治身同也

虛其心

除嗜欲去

亂實其腹懷道抱一弱其志和柔謙讓強其骨愛

重施髓蒲骨常使民無知無欲反朴使夫知者不

敢為也思慮深不輕言為無為不造作則無不治德

厚百姓安

無源第四

道冲而用之冲中也道匿名藏譽言或不盈或常也道

盈淵乎似萬物之宗道淵深不可知也挫其銳銳

也人欲銳進精取功名當挫上之解其紛紛結根也當念

法道不自也挫子卧反銳悅歲反同其塵當與衆

紛拂和其光言雖有獨見之明當知吾不知誰

塵不當自別殊

湛兮似若存

言當湛然安靜故能

吾不知誰

之子

老子言我不知道所從生

象帝之先

道自在天帝之前此言道乃先天地生也至今在者

以能安靜湛然不勞煩欲使人修身法道

虛用第五

天地不仁

天施地化不以仁恩任自然也

以萬物為芻狗

天地生萬物人最為

貴天地視之如芻草狗畜不貴望其報也芻楚拘反狗古口反

聖人不仁

聖人愛養萬民不以仁恩法天

自然以百姓為芻狗

聖人視百姓如芻草狗畜不貴望其禮意

天地之間

天地之間空虚和氣流行故萬物自生人能除情欲節滋味清五藏則神明居之也

其猶橐籥乎

橐籥中空虛人能有聲氣橐籥他各反籥音藥

虛而不屈動而愈出

言空虚无有屈

竭時動搖之益出聲氣也愈羊主反

多言數窮

多事害神多言害身口開舌舉必有禍患數王弼注

音雙遇反謂理數也明皇注音朔

不如守中

不如好德於中育養精神愛氣希言

成象第六

谷神不死

谷養也人能養神則不死也神謂五藏之神也肝藏魂肺藏魄心藏神腎藏精脾藏志五藏盡

傷則五神去矣

是謂玄牝

言不死之有在於玄牝玄天也於人為鼻牝地也於人為口天食人以五氣從

鼻入藏於心五氣清微為精神聰明音聲五性其鬼曰魂魂者

雄也主出入於鼻與天通故鼻為玄也地食人以五味從口入

藏於胃五性濁辱為形骸骨肉血脉六情其鬼曰魄魄者雌也主出入於口與地通故口為牝也牝頻忍反

玄牝之門是謂天地根

根元也言鼻口之門是乃綿綿若

存

鼻口呼喻喘息當綿綿

用氣常寬舒不

韜光第七

天長地久

說天地長生久壽以喻教人也

天地所以能長且久者

以其不自生

天地所以獨長且久者以其安靜施不榮報不如人居處汲汲求自饒之利奪人以自與

故能長生以其不求生故能長生不終也是以聖人後其身先人而後

已者而身先天下敬之先以為長外其身薄已而厚人也而身存百姓

愛之如父母神明祐之若赤子故身常存非以其無私邪聖人為人所愛神明所祐非以其公

正無私故能成其私人以為私者欲以厚已也聖人无私而已自厚故能成其私也

易性第八

上善若水上善之人如水之性水善利萬物水在天為霧露在地為源泉也

而不爭處眾人之所惡眾人惡卑濕垢濁水獨反故

幾於道水性幾與道同幾音機居善地水性善喜於地草木之上即流而下有似於牝動而

下人心善淵水深空虛與善仁萬物得水以生與虛不與盈也言善信

水內影照形不失其情也正善治无有不洗清且平也事善能能方能圓曲直隨形動善

時夏散冬凝應期夫唯不爭壅之則止決之故無尤

而動不失天時
水性如是故天下无有怨尤水者也

運夷第九

持而盈之不如其已盈滿也已止也持揣而銳之

不可長保揣治也先揣之後必棄捐揣初委反金玉滿堂莫之能守

嗜慾傷神富貴而驕自遺其咎大富當賤貧貴當憐

財多累身功成名遂身退天之道賤而反驕恣必被禍

患也遺唯李反咎求九反
不退身避位則遇於害此乃天之常道也譬
如日中則移月滿則虧物盛則衰樂極則哀

載營魄營魄魂魄也人載魂魄之上得以生當愛養之喜怒

能為

肺故魄靜志道不亂
魄安得壽延年也
抱一能無離
言人能抱一使不離
於身則長存一者道

始所生大和之精氣也故曰一布名於天下天得一以清地
得一以寧侯王得一以為正平入為心出為行布施為德摠

名為一一之為言志
一無二也
離力智反
專氣致柔
專守精氣使不亂則能
形體能應之而柔順能

嬰兒
能如嬰兒內無思慮外
無政事則精神不去也
滌除玄覽
當洗其心使繫
淨也心居玄冥

之處覽知萬事故謂
之玄覽也
滌徒歷反
能無疵
不淫邪也淨能無
疵病乎
愛民治
在斯反

國
治身者愛氣則身全
治國者愛民則國安
能無知
治身者呼吸精氣無令
耳聞也治國者布施惠

德無令
下知也
天門開闔
天門謂北極紫微宮開闔謂終始五際
也治身天門謂鼻孔開闔謂呼吸

吸也
戶獵反
能無雌
治身當如雌牡安靜柔
弱治國應變和而不唱
明白四達
言達
明白

如日月四通滿於天下八極之外故曰視之
不見聽之不聞彰布之於十方煥煥煌煌也
能無知
無有
能知

道滿於
天下者
生之畜之
道生萬物
而畜養之
生而不有
道生萬物
無所取有
為

而不恃

道所施為不恃望其報也

長而不宰

道長養萬物不宰割以為器用

是謂玄德

言道行德玄冥不可得見欲使人如道也

無用第十一

三十輻共一轂

古者車三十輻法月數也共一轂者轂中能揔衆弱共使強

使五藏空虚神乃歸之也治國者寡能揔衆弱共使強

輻音福轂古木反

當其無有車之用

無謂空虚轂中空虛車得去行輦

埏埴以為器

埏和也埴土也

和土以為飲食之器

當其無有器之用

器中空虛故得有所盛受

鑿空戶牖以為室

謂作屋室

當其無有室之用

言戶牖空虛人得以

出入觀視室人空虛

故有之以為利

利物也利於形用器中有物室中有

人恐其屋破壞腹中

無之以為用

言虚空者乃可用盛受萬物故曰虛無能

有神畏形之消亡也

無用

制有形道者空也

檢欲第十二

五色令人目盲

貪淫好色則傷精失明也

五音令人耳

聾

好聽五音則和氣去心不能聽無聲之聲

五味令人口爽

爽亡也人嗜五味於

口則口亡言失於道味也

馳騁田臘令人心發狂

人精神好安靜馳騁呼吸精神散亡

故發狂也

難得之貨令人行妨

妨傷也難得之貨謂金銀珠玉心貪意欲不知

厭足則行傷身辱也

是以聖人為腹

守五性去六情不節志氣養神明

為目

耳不妄視妄視泄精於外

故去彼取此

去彼目之妄視取此腹之養性

馱恥第十三

寵辱若驚

身寵亦驚身辱亦驚

貴大患若身

貴畏也若至也畏大患至身故皆驚

何謂寵辱

問何為寵何為辱寵者尊榮辱者耻辱及身還自問者以曉人也

辱為下

為辱

下

得之若驚

得寵榮驚者處高位如臨深

失之若驚

解

得之若驚失之若驚

何謂貴大患若身

復還自問何故畏人若身

吾所以

有大患者為吾有身

吾所以有大患者為吾有身有身憂者勤勞念其飢寒觸情從欲則

遇禍患也

及吾無身吾有何患

使吾無有身躰得道自然輕舉昇雲出入無間與道

通神當

故貴以身為天下者則可寄於天下

言人君貴

於身而賤人欲為天下主者則

愛以為天下者乃可以

託於天下

言人君能愛其身非為己也乃欲為萬民之父母以此得為天下主者乃可以託其身於萬民

之上長無咎也

贊玄第十四

視之不見名曰夷

無色曰夷言一無采色不可得視而見之

聽之不聞名

曰希

無聲曰希言一無音聲不可得聽而聞之

搏之不得名曰微

無形曰微言

無形跡不可搏持而得之

此三者不可致詰

三者謂夷希微也不可致詰者夫無色無聲無

形口不能言書不能傳當受之以靜永之人神不可詰問而得之也

起吉反

故混而為一

合

也故合於三名之為一

其上不皦

言一在天上不皦皦光明

其下不

昧

言一在天下不昧昧有所闇冥

繩繩不可名

繩繩者動行無窮極也不可名者非一色

也不可以青黃白黑別非一聲也不以宮商角徵習聽非一形也不可以長短大小度之也

復歸於無

物

物質也復當歸之於無質

是謂無狀之狀

言一無形狀而能為萬物作形狀也

無

物之象

萬物設形象也

是為忽恍

一忽忽恍恍者若存若亡不可見之也恍

靈往

迎之不見其首

無端末不可預待也除情去欲一自歸之也

隨之不見

其後

言一無影迹不可得而看

執古之道以御今之有

聖人執守古道生一

以御物知今當有一也

以知古始是謂道紀

人能知上古本始有一是謂知道綱

也紀

顯德第十五

古之善為士者

謂得道之君也

微妙玄通

玄天也言其志節玄妙精與天通也

深不可識

道德深遠不可識知內視若盲反聽若聾莫知所長

夫唯不可識故

強為之容

謂下句也因其丈反

與兮若冬涉川

舉事輒加重慎與與兮若冬涉

川心猶難之也

猶兮若畏四隣

其進退猶猶如拘制若人犯法畏四隣知之也

儼兮

其若客

如客畏主人儼然無所造作也儼魚檢反

渙兮若冰之將釋

渙者

釋者消亡除情去欲日以空虛

敦兮其若朴

敦者質厚朴者形未分內守精神外無文采也朴普

反曠兮其若谷曠者寬大谷者空虛不渾兮其若濁渾者守舉真濁者不照

然也與衆合同不自專孰能濁以靜之徐清孰誰也

永之濁止而淨孰能安以久動之徐生誰能安淨以

之徐徐自清也保此道者不欲盈保此徐生之道夫唯不盈故能

蔽不新成夫唯不盈滿之人能守蔽不為新

歸根第十六

至虛極得道之人捐情去欲守靜篤守清淨萬物並

作物並生也萬吾以觀其復言吾以觀見萬物無不皆

夫物芸芸芸芸者各復歸其根言萬物無不枯落各

歸根曰靜靜謂根也根安靜柔弱是謂復命言安靜

謙卑處下故不復死也

復還性命使不死也復命曰常復命使不死乃知常曰明能知

所常行則為明不知常萎作凶不知道之所常行知常

容能知道之所常行去情忘欲無所不包容也容乃公無所不包容則公

乃王公正無私可以為天下王治身正王乃天能王德合

子天乃道德與天通則道乃久與道合同没身不殆

能公能天通天合道四者純備道德弘遠無殃無咎乃與天地俱沒不危殆也

河上公章句第二

溥風第十七

太上下知有之太上謂太古無名之君也其

次親之譽之其德可見恩惠可稱故親愛而譽之其次畏之以治之其

淳風

次侮之

禁多令煩不可歸誠故欺侮之侮云甫反

信不足焉

君信不足於下則應之以不

信而欺其君也

猶矜其貴言

說太上之君舉事猶貴重於言恐離道失自然

功成事

遂

謂天下太平也

百姓皆謂我自然

百姓不知君上之德淳厚反以為只自當

也然

俗薄第十八

大道廢有仁義

大道之時家有孝子戶有忠信仁義不見也大道廢不用惡逆生乃有仁義可

傳道

智惠出有大偽

智惠之君賤德而貴信賤質而貴文下則應之以為大偽奸詐六親

不和有孝慈

六絕絕親戚不和乃有孝慈相收養也

國家昏亂有忠

臣

政令不明上下相怨邪僻爭權乃有忠臣匡正其君也此言天下太平不知仁人盡無欲不知廉各繫已不知

貞大道之君仁義沒孝慈戒猶日中盛時衆星失光

還淳第十九

絕聖

絕聖制作反初守元五帝垂象蒼頡作書不如三皇結繩無文

棄智

棄智惠反無為

民

利百倍

農事修公無私

絕仁義

絕仁之見恩惠棄義之尚華信

民復孝

慈

德化淳也

絕巧棄利

絕巧者詖偽亂真也棄利者塞貪路閉權門也

盜賊無有

上化公政下無邪私

此三者

謂上三事所棄絕也

以為文不足

以為文不足者文不足以

故令有所屬

當如下句

見素抱朴

見素者當抱素守真

不尚文飾也抱朴者當見其篤朴以示下故可法則

見賢過反

見賢過反

欲者當知足也

異俗第二十

絕學

絕學不負不合諧文

無憂

除浮華則無憂患也

唯之與阿相去幾

異俗

何

同為應對而相去幾何疾時賤質而貴文

善之與惡相去何若

善者

和譽惡者諫諍能相去何如疾時惡忠直用邪佞也

人之所畏不可不畏

人謂道人也人

所畏者畏不絕學之君也

荒兮其未央哉

或言世俗人荒亂欲進學

不可不畏近令色殺仁賢

衆人熙熙

熙熙放淫多情欲也

如享太牢

如飢思太牢之具意無足時也

如春登臺

春陰陽交通萬物感動登臺觀之意志淫淫然

我獨怕兮其未兆

我獨怕然安靜未有情欲之形兆也

如櫻兒之未孩

如小兒未能答偶人時也

乘兮若無所歸

我乘乘如窮鄙無所歸就樂平聲

衆人皆有餘

衆人

餘財以為奢餘智以為詐

而我獨若遺

我獨如遺棄似於不足也

我愚人之心

也哉

不與俗人相隨守一不移如愚人之心也

沌沌兮

無所分別

俗人昭昭明

也達我獨若昏

如闇昧也

俗人察察

察察急且疾也

我獨悶悶

悶悶無所

割忽兮若海我獨忽忽如江海之流莫知其所窮極也漂兮若無所止我獨

漂漂若飛若揚無所止也志意在神域也衆人皆有以爲也而我獨頑

無似鄙鄙似若不速也我獨異於人我獨與人異也而貴食母用

也母道也我獨貴用道也

虛心第二十一

孔德之容孔大也有大德之人無所不容能受垢濁處謙卑也唯道是從唯獨也

人不隨世俗所行道之爲物唯恍唯忽道之於萬物獨恍

定也况往反又呼廣反忽兮恍兮其中有像道唯忽恍無形之

兮忽兮其中有物道唯恍忽其中有一窈兮冥兮其

中有精道唯窈冥無形其中有精實神其精其真言存

明相薄陰陽交會也

精氣

虛心

其妙甚真非有飾也其中有信道匿功藏名其信在中也自古及今其名不

去自從也自古至今道常在不去以閱衆甫閱稟也甫始也言道稟與萬物始生從道受氣吾

何以知衆甫之然哉我何以知從道受氣以此此今也以今萬物皆得道精氣而生

動作起居非道不然

益謙第二十二

曲則全曲已從衆不自專則全其身也枉則直枉屈已而由人久久窪

則盈地窪下水流之人則下德歸之也窪為瓜反弊則新自受弊薄後己先人天下敬之久久

自新也少則得自受取少則得多也天道祐謙神明託虛多則惑財多者惑於所守學多者

惑於所聞是以聖人抱一為天下式抱守法式也聖人守一乃知萬事故能為

式天下法不自見故明聖人下之以其目視千里之外也乃因天下之目以視故能明達也見

賢遍反不自是故彰聖人不自以為是而不自伐故有

功伐取也聖人德化流行不自矜故長不自貴大故

能久不危夫唯不爭故天下莫能與之爭此言天下賢與不肖無能與不

爭者非虛古之所謂曲則全者豈虛言哉傳古言曲從則全身正言

妄也誠全而歸之誠實也能行曲從者實其飢躰歸之於父母無有傷害也

虛無第二十三

希言自然希言者是愛言也飄風不終朝驟雨不終

日飄風疾風也驟雨暴雨也言疾孰為此者天地孰

也誰為此飄風暴天地尚不能久不終於而況於人

乎天地至神合為飄風暴雨尚不能故從事於道者

使終朝至暮何況人欲為暴卒乎

虛無

從為也人為事當如道
安靜不當如飄風驟雨

道者同於道

道者謂好道人也
同於道者所謂與

同德者同於德

德謂好德人也同於
德者所謂與德同也

失者同於失

謂失

任已失人也同於失
者所謂與失同也

同於道者道亦樂得之

與道同
者道亦

樂得
之也

同於德者德亦樂得之

與德同者德
亦樂得之也

同於失者

失亦樂失之

與失同者失
亦樂失之也

信不足焉

君信不足於下
則應君以不足也

有不信焉

此言物類相歸同聲相應雲從龍風
從虎水流濕火就燥自然之類也

苦恩第二十四

跂者不立

跂進也謂貪權慕名進取功榮也則
不可久立身行道也

跨者不

行

自以為貴而跨於人眾共
蔽之使不得行

自見者不明

人自見其
形容以為

好自見所行為應道殊
不自知其形醜操行之鄙

自是者不彰

自以為是而非
人眾共蔽之使

不得彰明所謂輒自伐取其功自伐者無功美即失有功於人也自矜者不長

好自矜大者不可以長久其於道也曰餘食贅行贅貪也使此自矜伐之人在治

國之道曰賦歛餘祿食為貪行物或惡之此人在位動欲傷害

路反故有道者不處也言有道之人不居其國也

象元第二十五

有物混成先天地生謂道無形混沌而成萬物乃在寂天地之前

兮寥焉獨立而不改寂者無音聲寥者空無形獨立者無匹雙不改者化有常周

行而不殆道通行天地無所不入在陽不焦託陰不腐無不貫穿不危殆可以為

天下母道育養萬物精氣如母之養子吾不知其名字之曰道見道

形容不知當何以名之見萬物皆從道所生故字之曰道也強為之名曰天不知其名

強曰大者高而無上羅而無外
無不包容故曰大也強其丈反**大曰逝**其為大非若天常在非若地常在

下乃復逝去無常處所也**逝曰遠**言遠者窮乎無窮布**遠曰反**言其

越絕乃復在人身也**故道大天大地大王亦大**道大者包羅諸

也天大者無所不蓋也地大者無所不載也王大者無所不制也**域中有四大**四大道天

有稱有名則非其極也言道則有所由有所由然後謂之為道然則是道稱中之大也不若無稱之大也無稱不可而得

名曰域也天地王皆在乎無稱之內也故曰域中有四大者也**而王居其一焉**八極之

大王居其一也一作處**人法地**人當法地安靜柔和也種之得五

而不制也**地法天**天湛泊不動施而不求**天法道**道清淨不

氣萬物自成也**道法自然**道性自然無所法也

重德第二十六

重為輕根人君不重則不尊治身不重則失神草木靜

為躁君人君不靜則失威治身不靜則身危龍是以聖

人終日行不離輜重輜靜也聖人終日行道不離其靜

雖有榮觀燕處超然榮觀謂宮闈燕處后妃所居

奈何萬乘之主奈何者疾時主傷痛之辭而以身

輕天下王者至尊而以其身行輕輕則失臣王者輕滔

躁則失君王者行躁疾則失其君位

巧用第二十七

善行無轍迹善行道者求之於身不下堂善言無瑕謫

善言謂擇言而出則無瑕疵謫善以道善計不用筭策善以道

過於天下下家反適直革反

巧用

則守一不移所計不多則不用籌策而可知也善直由反善閉無關捷而不可開

善以道閉情欲守精神者不如善結無繩約而不可解

善以道結事者乃可結其心不如繩索可得解也 是以聖人常善救人聖人所以

常教人忠孝者 故無棄人使貴賤各常善救物聖人所以

教民順四時以 故無棄物聖人不賤名而是謂襲明聖人

善救人物謂 故善人者不善人之師人之行善者聖人即以爲人師

不善人者善人之資資用也人行不善聖人猶不貴

其師獨無輔也不愛其資無所使也雖智大迷雖自以爲智言此人乃大迷惑

是謂要妙能通此意是謂知微妙要道也

反朴第二十八

知其雄守其雌為天下谿

雄以喻尊雌以喻卑人雖知自尊顯當復守之以卑

微去之強梁就雌之柔和如是則天下歸之如水流入深谿也

苦奚反為天下谿常德不

離

人能謙下如深谿則德常在

復歸於嬰兒

常復歸志於嬰兒

然而無所知也

知其白守其黑為天下式

白以喻昭黑以喻默默人雖自知

昭昭明白當復守之以默默如闇昧無所見如是則可為天下法式則德常在

為天下式常德

不忒

人能為天下法則德常在

復歸於無極

德不差忒則長

生久壽歸身於無窮極也

知其榮守其辱為天下谷

榮以喻尊貴辱以喻污濁

知已之有榮貴當守之以污濁如是則天下歸之如水流入深谷也

為天下谷常德乃足

足止也人能為天下谷德乃止於已

復歸於朴

復當歸身於質朴不復為文飾

朴散

則為器

萬物之朴散則為器用也若道散則為神明流為日月分為五行也

聖人用之則

為官長

聖人并用則為百官之元長也

故大制不割

聖人用之則以大道

制御天下無所傷害治身則以天道制情欲不害精神也

無為第二十九

將欲取天下

欲為天下主也

而為之

欲以有為治民

吾見其不得已

我見其不得天道人心已明矣天道惡煩濁人心惡多欲

天下神器不可為也

器物也人

乃天下之神物也神物好安靜不可以有為治

為者敗之

以有為治之則敗其質性

執者失

之

強執教之人則失其情實生於詐偽也

故物或行或隨

上所行下必隨之也

或

吻或吹

吻温也吹寒也

有所温有所寒也

或強或羸

有所強大有所羸弱也

羸力為反

或載或隳

載安也隳危也

有所安必有所危明人君不可有為治國與治身也

是以聖人去甚去奢去泰

甚謂貪淫声色奢謂服飾飲食泰謂宮室臺榭去此

三者處中和行無為則天下自化呂反下同

儉武第三十

以道佐人主者謂人主能以道自輔佐也不以兵強天下以道自佐

兵革順天任德敵人自服其事好還其舉事好還自責不怨於人呼報反還音旋師之

所處荆棘生焉農事廢田不修大軍之後必有凶年天應之以

善者果而已善兵者當果而己不休不敢以取強

果而勿矜當果敢謙卑勿自矜大也果而勿伐當果敢推讓乃

果而勿驕驕欺也果敢勿以驕欺人果而不得已當果敢至誠不當迫

果而勿強果敢勿以為強兵堅甲以侵凌人也物壯則老草木壯極則枯落人

是謂不道枯老者坐不行道也不道早已不行道者早死

壯極是衰老也言強者不可以壯

惡氣即害五穀盡傷人也

儉武第三十一

夫佳兵不祥之器

祥善也兵者驚精神濁和氣不善人之器也不當修飾之

物或

惡之

兵動則有所害故万物無有不惡之

故有道者不處

有道人處

其君子居則貴左

貴柔弱也

用兵則貴右

貴剛強也此言兵道與君

子道反所貴者異也

兵者不祥之器

兵革者不善之器也

非君子之器

非君

子所貴重器也

不得已而用之

謂遭衰逆乱禍欲加

恬憒為上

不貪土地利人財宜

然

勝而不美

雖得勝而不以為利己也

而美之者是樂

殺人

美得勝者是為喜樂殺人者也

夫樂殺人者則不可以得志

於天下矣

為人君而樂殺人此不可使得志於天下為人主必專制人命妄行刑誅

吉事尚

左

左生位也

凶事尚右

陰道

偏將軍居左

偏將軍甲而居陽者以其不尊

殺也。上將軍居右。上將軍尊而居右者言其主殺也。言以喪禮處之。

上將軍於右喪禮尚右死人貴陰也。殺人之衆以悲哀泣之。傷已德薄不能以道

化人而害無辜之民。戰勝以喪禮處之。古者戰勝將軍居喪主禮之位素服而哭之明君子

貴德而賤兵不得已誅不祥心不樂之比於喪也知後世用兵不已故悲痛之。

聖德第三十二

道常無名。道能陰能陽能施能張能存能亡故無常名也。朴雖小天下不敢

臣。道朴雖小微妙無形天下不敢有臣使道者也。侯王若能守之萬物將自

賓。侯王若能守道無為萬物將自賓服從於德也。天地相合以降甘露。侯王

能與天相應合天即下甘露善瑞也。民莫之令而自均。天降善瑞則萬物莫有教令之者皆

自均調若一也。始制有名。始道也有名萬物也道無名能制於有名無形能制於有形也。名亦

既有

既盡也有名之物盡有情欲叛道離德故身毀辱也

天亦將知之

人能去道行德天亦

將自

知之所以不殆

天知之則神靈祐助不復危殆

壁豈道之在天

下猶川谷之與江海

言言道之在天下與人相應和如川谷與江海相流通也

辯德第三十三

知人者智

能知人好惡是為智

自知者明

人能自知賢不肖是為反聽無聲內視無

形故勝人者有力

能勝人者不過以威力也

自勝者強

人能自勝已情

欲則天下無有能與已爭者故為強

知足者富

人能知足之為足則長保福祿故為富也

行者有志

人能強力行善則為有意於道亦有道

不失其所者久

人能自節養不失其所受天之精氣則可以久

死而不亡者壽

目不妄視耳不妄聽口不

妄言則無怨惡於天下故長壽

任成第三十四

大道記号

言道記記若浮若沉若有若无視之不見說之難殊

音泛其可左右

道可左右无所不宜

萬物恃之而生

皆恃道而生

而不辭

辭謝而逆止也

功成不名有

有道不名其有功也

愛養萬物而不

為主

道雖愛養萬物不

常无欲可名於小

道匿德藏名恒

然无為似若微小也

萬物歸焉而不為主

万物皆歸道受氣道非如人主有所禁止

也可名為大

萬物橫來橫去使名自在故不若於大也

是以聖人終不

為大

聖人法道匿德藏名不為滿大

故能成其大

聖人以身師導不言而化萬事修治

故能成其大

仁德第三十五

執大象天下往執守也象道也聖人守大道則天下萬民移心歸往之也治身則天降神明往

來於已也往而不害安平太萬物歸往而不傷害則國安家人

則身安而大壽也樂與餌過客止餌美也過客一也人能樂美於道則一留止也一者

去盈而處虛忽忽如過道之出口淡乎其无味道出

口淡淡非如五味有酸鹹苦道無

甘辛也出尺類反徒暫反視之不足見足德也道無形非若五色

有青黃赤白黑可得見也聽之不足聞道非若五音有宮商角徵羽可得聽聞也用之

不可既用道治國則國安民昌治身則壽命延長无有既盡時也

微明第三十六

將欲翕之必固張之先開張之者欲極其奢淫翕許及反將使弱之

必固強之先強大之者欲使遇禍患將欲廢之必固興之先興之者

欲使其驕危也先與之者欲極其貪心也將欲奪之必固與之是謂微

明此四事其道微其效明也柔弱勝剛強柔弱者久長剛強者先亡也魚不

可脫於淵魚勝於淵為去剛得柔不可復制也國之利器不可以示

人利器權道也治國權者不可以示執事之臣也治身道者不可以示非其人也

為政第三十七

道常無為道以無為為常也而無不為侯王若能守方

物將自化言侯王若能守道萬物將自化效於己也化而欲作吾將鎮

之以無名之朴吾身也無名之朴道也萬物以化效於己也復欲作巧偽者侯王當身鎮撫以

道德無名之朴亦將不欲言侯王鎮撫以道德民亦將不欲改

當以清靜導化之也天下將自定能如是者天下將自正定也

卷終

音註老子道德經下

河上公章句第三

論德第三十八

上德不德

上德謂太古無名號之君德大無上故言上德也不德者言其不以德教民因循自然養人性

命其德不見故言不德也

是以有德

言其德合於天地和氣流行民得以全也

下德不失

德

下德謂號蓋之君德不及上德故言下德也不失德者其德可見其功可稱也

是以無德

名號及其身故

上德無為

謂法道安靜無所改為也

而無以為

言無以名號為下

德為之

言為教令施政事也

而有以為

言以為已取名號也

上仁為之

謂行仁之君其仁為上故言上仁之為之者為仁恩

而無以為

功成事立無以執為

上義為

之

為義以斷割也

而有以為

動作以為已殺人以為成威賦下以自奉也

上禮為之

謂上禮之君其禮無上故言上禮為之者言為禮制度序威儀而莫之應言禮華盛實衰飭為煩多動則

離道不則攘臂而仍之言煩多不可應上下忿爭故攘臂相仍引讓如羊反臂必寐反

故失道而後德言道衰而德化生也失德而後仁言德衰而仁愛見也失

仁而後義言仁衰而分義明也失義而後禮言義衰則禮聘行至帛夫

禮者忠信之薄言禮發本治末忠信日以衰薄而亂之首禮者賤質而貴文故

正直日以少耶亂日以生前識者道之華不知而言知為前識此而人失道之實得道之華

愚之始言前識之人愚闇之倡始是以大丈夫處其厚大丈夫謂得道

之君也處其厚者處身於敦朴不居其薄不處身違道為世煩亂也處其實處忠信也不

居其華不尚言也故去彼取此去彼華薄取此厚實

法本第三十九

昔之得一者昔往也一無為道之子也天得一以清地得一以

寧言天得一故能垂象清明地得一故能安靜不動搖神得一以靈言神得一故能變化

無形谷得一以盈言谷得一故能盈滿而不絕也萬物得一以生言萬物皆須道以生成也

侯王得一以天下為正言侯王得一故能為天下平正其

致之致誠也謂下五事也天無以清將恐裂言天當有陰陽施張晝夜更用

不可但欲清明無已言地當有高時將恐分裂不為天地無以寧將恐發言地當有節下剛柔氣節

五行不可但欲安靜無已言神當有王已時將恐發泄不為地神無以靈將恐歇言神當有王相因死休發

不可但欲靈無已言時將恐虛歇不為神也谷無以盈將恐竭言谷當有盈縱

虛實不可但欲盈滿無已言萬物已時將恐枯竭不為谷萬物無以生將恐滅言萬物當隨時

生死不可但欲生無已言侯王當將恐滅亡不為物也侯王無以貴高將恐蹙言侯王當

屈己以下人汲汲求賢不可但欲高
於人將恐顛覆失其位也其月反故貴以賤為本言必

欲尊貴當以薄賤為本若禹稷
躬稼舜陶河濱周公下白屋也高必以下為基言必欲尊貴當

以下為本基猶築牆造功因
卑成高下不堅固後必傾危是以侯王自謂孤寡不

穀孤寡喻孤獨不穀喻不能如車載為衆輻所奏此非以賤為本耶言侯王至

尊貴能以孤寡自稱此非以賤為本乎以曉人非乎嗟歎之辭故致數車無車致就

也言人就車數之為輻為輪為轂為衡為轡無有名為車者
故成為車以喻侯王不以尊號自名故能成其貴邑主反

不欲碌碌如玉落落如石碌碌喻少落落喻多玉少故見貴石多故見賤

言不欲如玉為人所貴如石為人所賤當處其中也
並音碌

去用第四十

反者道之動反本也本者道所以動動生萬物背之則亡也弱者道之用

去用

柔弱者道之所常用故能長久

天下萬物生於有

萬物皆從天地生天地有形位故言

生於有也

有生於無

天地神明蚘飛蠕動皆從道生道無形故言生於無此言本勝於華弱勝於強謙虛

勝盈滿也

同異第四十一

上士聞道勤而行之

上士聞道自勤苦竭力而行之

中士聞道若

存若亡

中士聞道治身以長存治國以太平欣然而存之退見財色榮奢或於情欲而復亡之也

下

士聞道大笑之

下士貪很多欲見道柔弱謂之恐懼見道質朴謂之鄙陋故大笑之

不

笑不足以爲道

不爲下士所笑不足以名爲道

故建言有之

建設也

言以有道當如下句

明道若昧

明道之人若闇昧無所見

進道若退

進取

道者若退不及

夷道若類

夷平也大道之人不自別殊若多比類也

上德若谷

上德之人若深谷不耻垢濁也
大白若辱大潔白之人若汗辱不自彰顯
廣德若不足

德行廣大之人若愚溷不足也
建德若偷建設道德之人若可偷引使空虚也
質真若渝

質朴之人若五色有渝淺不明
大方無隅大方正之人無委曲廉隅
大器晚成大器

若九鼎瑚璉不可卒成也
大音希聲大音猶雷霆待時而動喻常愛氣希言也
大象無形

大法象之人質朴無形容
夫唯道善貸且成成就也言道善稟貸人精氣且成就之也

貸吐代反

道化第四十二

道生一道始所主者一
一生二一生陰與陽也
二生三陰陽生和氣濁三氣分為

天地人也
三生萬物天地共生萬物也天施地化人長養之也
萬物負陰而抱

陽萬物無不負陰而向陽迴心而就日
冲氣以為和萬物中皆有元氣得以和柔若胸中

道化

有藏骨中有髓草木中有空虛與氣通故得久生也

人之所惡唯孤寡不穀而

王公以為稱

孤寡不穀者不祥之名而王公以為稱者處謙卑法虛空和柔

故物或損之而益

引之不得推之必還

或益之而損

夫增高者崩貪

富者致患

人之所教

謂眾人所以教去弱為強去柔為剛

我亦教之

言我教眾人使去強

為弱去剛為柔

強梁者不得其死

強梁謂不信玄妙背叛道德不從經教尚勢任力也不得

其死者為天所絕兵刃所伐王法所殺不得以壽命死也

吾將以為教父

父始也老子以強梁

之人為教戒之始也

徧用第四十三

天下之至柔馳騁天下之至堅

至柔者水至堅金石水能貫堅入剛

無所不通

無有入無間

無有謂道也道無形質故能出入無間通神羣生也

吾是

以知無為之有益吾見道無為而万物自化成不言

之教法道不言師之以身無為之益法道無為治身則有益精神

天下希及之天下人主也希能有及道無為之治身治國也

立戒第四十四

名與身孰親名遂則身退也身與貨孰多財多則害身也得與

亡孰病好得利則病於行也甚愛必大費甚愛色費精神甚愛財遇禍患所愛者少

所三者多故言大費多藏必厚亡生多藏於府庫死多藏於丘墓生有攻劫之憂死有掘冢探柩

之患知不足之人絕利知止不殆知可止則財利不累身声色不

亂於耳目則身不危殆也可以長久人能知止足則福祿在己治身有神不勞治國者民不擾故可長久

洪德第四十五

大成若缺

謂道德大成之君若缺者減名藏善如毀缺不備也

窺悅反

其用不弊

其

心如是則無弊尺時

大盈若冲

謂道德大盈滿之君也如冲者貴不敢驕也富不敢奢也

其用

不窮

其用心如是則無窮盡時也

大直若屈

大直謂修道法度正直如一也如屈者不與俗

人爭如可屈折屈丘勿反

大巧若拙

大巧謂多才術也如拙者亦不敢見其能

大辯若訥

大辯者智無疑如訥者口無辭詘如忽反

躁勝寒

勝極也春夏陽氣躁疾於上萬物盛大極則寒寒則零落

死亡也言人不當剛躁也

靜勝熱

秋冬万物靜於黃泉之下極則熱熱者生之源

清靜

為天下正

能清淨則為天下長持正則無終已時也

儉欲第四十六

天下有道

謂人主有道也

却走馬以糞

糞者糞田也兵甲不用却走馬治農田治

身者却陽精以糞其身

天下無道

謂人主無道也

戎馬生於郊

戰伐

不止戎馬生於郊
境之上久不還也
罪莫大於可欲好淫也
禍莫大於不

知足富貴不能自禁止也
咎莫大於欲得欲得人物利且貧也
故

知足之足守真根也
常足無欲心也

鑒遠第四十七

不出戶知天下聖人不出戶以知天下者以己身知
不

窺牖見天道天道與人道同大人相通精氣相貫人君清淨天氣自正人君多欲天氣煩濁吉凶

其出彌遠其知彌少謂去其家觀起規反
彌音酉

是以聖人不行而知聖人不上天不遠所見益少也

不見而名上好道下好德上好武下好
不為而成

上無所為則下無事家
給人足萬物自化就也

忘知第四十八

為學日益

學謂政教禮樂之學也日益者情欲文飾日以益多

為道日損

道謂自然之道

也日損者情欲文飾日以消損

損之又損

損情欲又損之所以漸去

以至於無為

活當

無為而無不為

情欲斷絕德與道合則無所不為也

取

天下常以無事

取治也治天下常當以無事不當煩勞也

及其有事不足

以取天下

及其好有事則政教煩民不安故不足以治天下也

任德第四十九

聖人無常心

聖人重改更貴因循若自無心

以百姓心為心

百姓

所便因

善者吾善之

百姓為善聖人因而善之

不善者吾亦善

之

百姓雖有不善者聖人化之使善也

德善

百姓德化

信者吾信之

百姓為信聖人因而信之不信者吾亦信之百姓為不信聖人化之使信也德

信百姓德化聖人為信聖人在天下怵怵聖人在天下怵怵常恐怖富貴不敢

驕奢為天下渾其心言聖人為天下百姓渾濁其心若愚闇不通也百姓

皆注其耳目注用也百姓皆用其耳目為聖人視聽也聖人皆孩之聖人

愛念百姓如孩嬰赤子長養之而不責望其報胡來反

貴生第五十

出生入死出生入情欲出無內寃定寃靜故生也生之

徒十有三死之徒十有三言生死之類各有十三謂九竅四關也其生也目不

妄視耳不妄聽鼻不妄香臭口不妄言味手不妄持足不妄行精神不妄施其死也反是也人之生動

之死地十有三人之求生動作夫何故問何故動以

其生生之厚所以動之死地者以其求生活蓋聞善攝

生者攝養也陸行不遇兕虎自然遠避害不入軍不

避甲兵以不好戰兕無投其角虎無所措爪兵無所

容其刃養生之人兕兕無由夫何故問虎兕兵甲以

其無死地以其不犯十三之死地言

養德第五十一

道生之道生萬物德畜之德一也一主物形之一為萬物

勢成之一為萬物作寒是以萬物莫不尊道而貴

德道德所為無不道之尊德之貴夫莫之命而常

自然道一不命召萬物布故道生之德畜之長之

常自然應之如影響

育之成之孰之養之覆之道之於萬物非但生之而已乃復長養成孰覆育全

於性命人君治國治身亦當如是也生而不有道生萬物不有所取以為利也為而不恃

道所施為不恃望其報也長而不宰道長養萬物不宰割以為利也是謂玄德道之所行

恩德玄闇不可得見

歸元第五十二

天下有始始有道也以為天下母道為天下萬物之母既知其母

復知其子子一也既知道已當復知一也既知其子復守其母知已

一當復守道反無為沒身不殆殆不危殆也塞其兌兌目也目不妄視也閉

其門門口也使口不妄言終身不勤人當塞目不妄視閉口不妄言則終身不勤苦開

其兌開目視情欲也濟其事濟益也益情欲之事終身不救禍亂成也見

小曰明

萌牙未動禍乱未見為小昭然獨見為明

守柔日強

守柔弱日以強大也

用

其光

用其目光於外視時世之利害

復歸其明

復當反其光明於內無使精神泄也

無

遺身殃

內視存神不為漏失

是謂習常

人能行此是謂習修常道

益證第五十三

使我介然有知行於大道

介大也老子疾時王不行大道故設此言使我介然

有知於政事我則行於大道躬無為之化

唯施是畏

唯獨也獨畏有所施為失道意欲賞善恐偽善生欲

信忠恐詐忠起

大道甚夷

夷平易也

而民好徑

徑邪不平正也大道世平易而民好從邪

徑也呼報反

朝其除

高臺榭宮室修

田甚蕪

農事廢不耕

倉甚虛

五穀傷害

服文綵

好飾為貴內華

帶利劍

尚剛強武且奢

厭飲食財

貨有餘

多嗜欲無足時

是謂盜夸

百姓而君有餘者是由劫盜以為服飾持行夸人不知身

死家破親戚并隨也非道哉人君所行如是此非道也復言也哉者痛傷之辭

修觀第五十四

善建者不拔建立也善以道立身立國者不可得引而拔也善抱者不

脫善以道抱精神者終不可拔引解脫子孫祭祀不輟為人子孫能修道如是長生不

死世世以父祭祀先祖宗廟無絕時修之於身其德乃真修道於身愛氣

養神益壽延年其德如是乃為真人德如是乃為真人修之於家其德有餘修道於家父慈

夫信妻貞其德如是乃有餘慶及於來世子孫修之於鄉其德乃長修道於鄉尊敬

長老愛養幼小教誨愚鄙其德如是乃無不覆及也修之於國其德乃豐修道於國

則君信臣忠仁義自生禮樂自興政平無私其德如是乃為豐厚也修之於天下其德乃

普人主修道於天下不言而化不教而治下之應上信如影響其德如是乃為普傳故以身觀

修觀

身

以修道之身觀不修道之身孰亡孰存也

以家觀家

以修道之家觀不修道之家也

以

鄉觀鄉

以修道之鄉觀不修道之鄉也

以國觀國

以修道之國觀不修道之國也

以

天下觀天下

以修道之主觀不修道之主也

吾何以知天下之然

哉以此

老子言吾何知天下修道者昌背道者亡以此五事觀而知之也

玄符第五十五

含德之厚

謂含懷道德之厚也

比於赤子

神明保佑含德之人若父母之於赤子也

毒蟲不螫

蜂虻蛇虺不螫音適

猛獸不據攫鳥不搏

赤鳥

不害於物物亦不害之故太平之世人無貴賤仁心有刺骨之物還反其本有毒之蟲不傷於人

攫居縛反音搏

骨

弱筋柔而握固

赤子筋骨柔弱而持物堅固

未

知牝

牝

牡之合而皎作精之至也

赤子未知男女之合會而陰陽作怒者由精氣多之

所致也壯類忍反終日號而不啞和之至也赤子

至暮啼號聲不變易者和氣多之所致知和曰常人能知和氣之柔弱

道之知常日明人能知道之常行則益生日祥祥長也

欲自生日以長大心使氣日強心當專一和柔而氣實內故形

中故形躰日以剛強也物壯將老萬物壯極則枯老也謂之不道老不

道早已不得道者早已死也

玄德第五十六

知者不言知者貴行不貴言也言者不知駟不及舌塞其兌閉

其門塞門之者挫其銳情欲有所銳為當念道無解

其紛紛結恨不休當念和其光雖有獨見之明當和同

其塵不當自別殊也是謂玄同玄天也人能行此上故不可

得而親不以榮奢為樂獨立為哀亦不可得而踈志靜無故與人無怨不

可得而利身不欲富貴口不欲五味亦不可得而害不與貪爭利不與勇爭氣

不可得而貴不為亂世主不處暗君位亦不可得而賤不以乘權故驕不以

失志故屈故為天下貴其德如此天子不得臣諸侯不得屈與世沉浮容身避害故為天下貴也

淳風第五十七

以正治國以至也天使正身之人使至有國也以奇用兵奇詐也天使詐為之人使用兵

也以無事取天下以無事無為之人使取天下為之主吾何以知其

然哉以此此今也老子言我何以知天意然哉以今日所見知天下多忌諱而

民彌貧天下謂人主也忌諱者防禁也令民多利器煩則奸生禁多則下詐相殆故貧

國家滋昏

利器者權也民多權則視者眩於目聽者惑於耳上下不親故國家昏亂

人多伎

巧竒物滋起

人謂人君百里諸侯也多知伎巧謂刻畫言觀彫琢服章竒物滋起下則化上飾金

鑄玉文綉絲色日以滋甚

法物滋彰盜賊多有

法物好物也珍好之物滋生彰著則

農事廢飢寒並至故盜賊多有也

故聖人云

謂下事也

我無為而民自化

聖人言我修道承天無所改作而民自化成也

我好靜而民自正

聖人言我好靜不言不語

民皆自忠正也

我無事而民自富

我無徭役徵召之事民安其業故皆自富

我無

欲而民自朴

我常無欲去華文黜服飾民則隨我為多質朴也

順化第五十八

其政悶悶

其政教寬大悶悶昧昧似若不明也

其民醇醇

政教寬大故民醇醇富厚相親

睦也

其政察察

其政教急疾言決於口聽決於耳也

其民缺缺

政教急民不聊生故缺缺

順化

日以踈薄禍兮福之所倚倚因也夫禍因福而生人遭禍而

來福禍福更相生誰福兮禍之所伏禍伏匿於福中人得福孰知其極

能知其窮極時其無正正復為奇奇詐

也人君不正下雖善復為詖善人皆復化人之迷其

日固久言人君迷惑失正是以聖人方而不割聖

行方正者欲以率廉而不害聖人廉清欲以化民不以傷

也直而不肆肆申也聖人雖直曲光而不曜聖人雖有

常如闇昧不以曜乱人也

守道第五十九

治人謂人君欲事天事用也當用莫若嗇嗇貪也治

治人謂人君欲事天事用也當用莫若嗇嗇貪也治

民則不為奢泰治身者當
愛精氣不放逸尚生力反
夫唯齋是謂早服早先也服得也夫獨

愛民財愛精氣則
能先得天道也
早服謂之重積德先得天道是謂重積德於己也重直

容反
重積德則無不剋剋勝也重積德於己則無不勝
無不剋則莫

知其極無不剋勝則莫有窮極也
莫知其極可以有國
知莫

己德有極則可以有國之母
可以長久國身同也母道也人能保身中

之道使精氣不勞五
神不苦則可以長久
是謂深根固蒂人能以氣為根以精為蒂如樹根不

深則拔蒂不堅則落言當深藏其氣固守其精使無漏泄帶丁計反
長生久視之道深根固蒂

者乃長生
久視之道

河上公章句第四

居位第六十

治大國若烹小鮮

鮮魚烹小魚不去腸不去鱗不敢撓
恐其糜也治國煩則下亂治身煩則

精散

以道莅天下其鬼不神

以道德居位治天下則鬼
不敢見其精神以犯人也

非其鬼不神其神不傷人

其鬼非無精神也非不
入正不能傷自然之人

非其神不傷人聖人亦不傷

非鬼神不能傷害人
以聖人在位不傷害

人故鬼不敢干之也

夫兩不相傷

鬼與聖人俱
兩不相傷也

故德交歸焉

夫兩不相傷人得治於陽鬼得治於陰人
得全其性命鬼得保其精神故得交歸焉

謙德第六十一

大國者下流

治大國當如居
下流不逆細微

天下之交

大國天下士
民之所交會

天下之牝

牝者陰類也柔謙和
而不昌也牝頻忍反

牝常以靜勝牡

女所
以勝

屈於男陰勝陽以
安不先求之也

以靜為下

陰道以安
靜為謙下

故大國以下

小國則取小國

能謙下之則常有之

下

小國以下

大國則取大國

此言國無大小能執謙畜人則無過失也

故或下以取或

下而取

下者謂大國以下小國小國以下大國更以義相取

大國不過欲兼畜

人

大國不可失則兼并人國而牧畜之

小國不過欲入事人

使為臣僕

夫兩者各得其所欲大者宜為下

大國小國各欲

得其所大國又宜為謙下

為道第六二

道者萬物之奧

奧藏也道為萬物之藏無所不容也

善人之

寶

善人以身寶不敢違

不善人之所保

道者不善人之保倚也遭患逢急猶自知

悔卑

美言可以市

美言者獨可於市耳夫市交易而退不相宜善言美語求者欲疾得賣者

欲疾售也尊行可以加人加別也人有尊貴之行可以別異於凡人未足以尊道

人之不善何棄之有人雖不善當以道化之蓋三皇之前無有棄民德化淳也故

立天子置三公欲使教化不善之人雖有拱壁以先駟馬

不如坐進此道雖有美璧先駟馬而至故不如坐進此道拱居勇反拱居勇反古之

所以貴此道者何不日以求得古之所以貴此道者不日日遠行求

索近得之於身有罪以免耶有罪謂遭亂世闇君妄行刑誅故

為天下貴道德洞遠無不覆濟全身治國恬然無為故可為天下貴也

恩始第六十三

為無為因成脩故無所造作事無事豫有菑除煩省事也味無味深思遠慮味道

也大小多少陳其戒令也欲大反小報怨以德修道行善

絕禍於未生也。圖難於易。欲圖難事當於易時未及成也。易以啟反。為大於其細。

欲為大事必作於小禍亂從小來也。天下難事必作於易。天下大事必

作於細。是以聖人終不為大。處謙虛也。故能成其大。

天下共歸之也。夫輕諾必寡信。不重言也。多易必多難。不愼患難乃

且反。是以聖人猶難之。聖人動作奉事猶進退重難之欲塞其源。故終無難。

聖人終身無患難之事猶避害深也。

守微第六十四

其安易持。治身治國安靜者易守持也。其未兆易謀。情欲禍患未

謀正也。其脆易破。禍亂未動於朝情欲未見於色如脆弱易破除。七歲反。其微易散。

其未彰著微也。為之於未有。欲有所為當於未有頭牙之時塞其端也。治之

小易散去也。

守微

於未亂

治身治國於未亂之時當豫閉其門也

合抱之木生於毫末

小從

大成

九層之臺起於累土

從卑至高

千里之行始於足

下

從近至遠

為者敗之

有為於事發於自然有為於義反於仁有為於色廢於精神也

執

者失之

執利遇患執道全身堅持不得推讓反還

聖人無為故無敗

聖人不為

華文不為色利不為殘賊故無壞敗

無執故無失

聖人有德以教愚有財以與貧無所執藏故無所失於人

也民之從事常於幾成而敗之

從為也民人為事常於功德幾成而

貪位好名奢泰盈滿而自敗也

慎終如始則無敗事

終當如始不當懈怠

是

以聖人欲不欲

聖人欲人所不欲人欲彰顯聖人欲伏光人欲文飾聖人欲質朴人欲色聖人

欲於不貴難得之貨

聖人不賤石而貴玉

學不學

聖人所不

能孝人學智詐聖人學自然人學治世聖人孝治身守道真

復眾人之所過

眾人學問反過

本為末過實為華復之者使反本也以輔萬物之自然教人反本實者欲之性而不敢為聖人動作因循不敢有所造為恐遠本也

淳德第六十五

古之善為道者治古之善以道非以明民不以道教

詐將以愚之將以道德教民民之難治以其智多以其

智多故為巧偽以智治國國之賊使智惠之人治國之政事必

不以智治國國之福不使智惠之人知國之政事則民

同力故為知此兩者亦措式兩者謂智與不智者常

為福是治身治常知措式是謂玄德玄天也能知治

式是謂與玄德深矣遠矣則遠不可極也與物反

天同德也則遠不可極也

淳德

矣

玄德之人與万物反異萬物欲益己玄德施與人也

乃至於大順

玄德與萬物反異故

能至大順順天理也

後己第六十六

江海所以能為百谷王者以其善下之

江海以卑故眾

流歸之若民歸就王去聲

故能為百谷王

以卑下故能為百谷王也

是以聖

人欲上民

欲在上民上

必以言下之

法江海處謙虛去聲

欲先民

欲在民之前也

必以身後之

先人而後己也

是以聖人處上而民

不重

聖人在民上為主不以尊貴虛下故民戴而不為重

處前而民不害

聖人在民

前不以光明蔽後民親之若父母無有欲害之心也

是以天下樂推而不厭

聖人

息深愛厚視民如赤子故天下樂推進以為主無有厭也

以其不爭

天下無厭聖人時是由聖

人不與人爭先後也故天下莫能與之爭言人皆有為無與吾爭無為

三寶第六十七

天下皆謂我大似不肖老子言天下謂我德大我則佯愚似不肖夫唯

大故似不肖唯獨名德大者為身害故佯愚似若不肖無所分別無所割截不賤人而自貴若

肖久矣肖善也謂辨惠也若大辨惠之人身高自貴行察察之政所從來久矣其細言辨

唯如小人也非長者夫我有三寶持而寶之老子言我有三寶抱持而保倚一

曰慈愛百姓若赤子二曰儉賦斂若取之於己也三曰不敢為天下

先執謙退不為倡始也慈故能勇以為仁故能勇於忠孝也儉故能廣天子

節儉故民日用廣矣不敢為天下先不為天下首先故能成器長成

長謂得道人也我能為道人之長也今捨慈且勇今世人舍慈仁但為勇武也舍

張丈反

儉且廣

舍其儉約但為奢泰

舍後且先

舍其後己但為人先

死矣

此所行如

死地

夫慈以戰則勝以守則固

夫慈仁者百姓親附并心一意故以戰則勝敵

以守衛則堅固

天將救之以慈衛之

天將救助善人必與慈仁之性使能自當助也

配天第六十八

善為士者不武

言貴道德不好武力

善戰者不怒

善以道戰者禁邪於

芻心絕禍於未萌無所誅怒也

善勝者不與

善以道勝敵者附近以仁來遠以德不與敵爭而敵

自服也

善用人者為下

善用人自輔佐者常為人執謙下也

是謂不爭

之德

謂上為之下也是乃不與人爭之道德也

是謂用人之力

能身為人下是

謂用人臣之力

是謂配天

能行此者德配天地

古之極

是乃古之極要道也

玄用第六十九

用兵有言

陳用兵之道老子疾時用兵故託已設其義也

吾不敢為主

主先也

敢先

而為客

客者和而不偪用兵當承天而後動

不敢進寸而退尺

人侵

境界利人財寶為退

是謂行無行

彼遂不止為天下賊雖行誅之不行執也

無行

戶剛

攘無臂

雖欲大怒若無臂可攘也

仍無敵

雖欲仍於之心若無敵可仍也

執無兵

雖欲執持之若無兵刃可持用也何者傷彼之民罹罪於天遭不道之君愍忍喪之痛也

禍

莫大於輕敵

夫禍亂之害莫大於欺輕敵家侵取不休輕戰貪財

輕敵幾喪吾

寶

幾近也寶身也欺輕敵者近喪身也

故抗兵相加

兩敵戰也哀者

勝矣

哀者慈仁士卒不遠於死

知難第七十

吾言其易知甚易行

老子言吾所言省而易知約而易行

易並以政反天

下莫能知莫能行

人惡柔弱好剛強也

言有宗事有君

我所言有

宗祖根本事有君臣天下世人不知者非我之無德不與我反

夫唯無知是以不我知

夫惟聖人也是我德之暗不見於外窮極微妙故無知也

知我者希則我者貴

希少

也惟達道者乃能知我故為貴也

是以聖人被褐懷玉

被褐者薄外懷玉者厚內

匿寶藏懷不以示人也

知病第七十一

知不知上

知道言不知是乃德之上

不知知病

不知道言知是乃德之病

唯病

病是以不病

夫唯能病苦衆人有強知之病是以不自病也

聖人不病以

其病病

聖人無此強知之病者以其常苦衆人有此病

是以不病

以比非人也故不自病夫

聖人懷通達之知託於不知者欲使天下質朴忠正各守純性小人不知道意而妄行強知之爭以自顯著內傷精神減

壽消年也

愛己第七十二

民不畏威，大威至矣。

威害也。人不畏小害，則大害至。謂死亡也。畏之者當愛精神，承天順

地也。無狹其所居。

謂心居神當寬柔不當急狹也。

無厭其所生。

人所

者為有精神託空虛喜清淨飲食不節忽道念色邪僻滿腹為伐本厭神。

厭於艷反。夫唯不厭是

以不厭。

夫唯獨不厭精神之人。洗心濁垢恬怕無欲則精神居之不厭也。

是以聖人自

知。

自知己之得失。

不自見。

不自顯見德美於外。藏之於內。

自愛。

自愛其身以保

精氣也。

不自貴。

不自貴高。榮名於世。

故去彼取此。

去彼自見自貴。取此自知自愛。

去 呂反

任為第七十三

任為

勇於敢則殺

即勇敢有為也

勇於不敢則活

有為則活

其此兩者

謂敢與不敢也

或利或害

活身為利殺身為害

天之所惡

惡

為也

孰知其故

誰能知天意之故而不犯

是以聖人猶難之

言

人之明德猶難於勇敢况無聖人之德而欲行之乎

天之道不爭而善勝

不

與人爭貴賤而人自畏之

不言而善應

天不言萬物自動應以時

不召而自來

天不呼召萬物皆負陰而向陽

繹然而善謀

繹寬也天道雖寬博善謀慮人事修善行惡各蒙其

報也天網恢恢疎而不失

天所網羅恢恢其大雖疎遠司察人善惡無有所失

制惑第七十四

民不畏死

治國者刑罰酷深民不聊生故不畏死也治身者嗜欲傷神貪財殺身民不知畏之也

奈

何以死懼之

人君不寬刑罰教民去情欲奈何設刑法以死懼之

若使民常畏

死

當除己之所殘剋教民去利欲也

而為奇者吾得執而殺之孰

敢

以道教化而民不從反為奇巧乃應王法執而殺之常誰敢有犯者老子傷時王不先道德化之而先刑罰

有司殺者

司殺者天屈高臨下司察人過天網恢恢疎而不失也

夫代司殺者是

謂代大匠斲

天道至明司殺者常猶春生夏長秋收冬藏斗杓運移以節度行之人君欲代殺之

是猶拙夫代大匠斲木勞而无功也

夫代大匠斲者希有不傷手

矣

人君行刑罰猶拙人代大匠斲則方圓不得其理還自傷代天殺者失紀綱不得其紀綱還受其殃也

貪損第七十五

民之飢以其上食稅之多

人民所以飢深者以其君上稅食下太多

是以

飢

民皆化上為貪叛道違德故飢

民之難治以其上之有為

民之不可

治者以其君上多欲好有為也

是以難治

是以其民化上有為情偽難治

民之輕死以

其求生之厚

人民輕犯死者以其求生活之道太厚貪利以自危

是以輕死

以求生太厚之

故輕入死地也

夫唯無以生為者是賢於貴生

夫唯獨無以生

為務者爵祿不干於意財利不入於身天子不得臣諸侯不得使則賢於貴生也

戒強第七十六

人之生也柔弱

人生含和氣抱精神故柔弱也

其死也堅強

人死和氣

竭精神亡故堅強也

萬物草木之生也柔脆

和氣存也脆七

歲反

其死也枯槁

和氣去也

故堅強者死之徒柔弱

者生之徒

以其上二事觀知之知

是以兵強則不勝

強大之兵輕戰樂殺毒流怨結衆弱為一強故不勝

木強則共

木強大枝弱共生其上也

強大

處下柔弱處上

興物造功大木處下小物處上大道抑強扶弱自然之效

天道第七十七

天之道其猶張弓乎

天道暗昧舉物類以為喻也

高者抑之下者

舉之有餘者損之不足者與之

言張弓和調之如是乃可用夫抑高

舉下損強益弱天之道也

天之道損有餘而補不足

天道損有餘而益謙常以

中和為上

人之道則不然

人道則與天道反也

損不足以奉有餘

世俗之人損貧以奉富奪弱以益強也

孰能有餘以奉天下唯有道者

言誰能居有餘之位自省爵祿以奉天下不足者乎唯有道之君能行也

是以聖人為而不

恃

聖人為德施不恃其報也

功成而不處

功成事就不處其位

其不欲見賢

不欲使人知己之賢匿功不居榮畏天損有餘也

任信第七十八

任信

天下柔弱莫過於水圓中則圓方中則方而攻堅強

者莫知能勝水能懷山襄陵磨鐵消其無以易之

夫攻堅強者無以易於水弱之勝強水能滅火柔之勝剛舌柔

齒先天下莫不知知柔弱者長久莫能行耻謙卑故

聖人云謂下事也受國之垢是謂社稷主君能愛國垢

不逆小流則能長保其社稷受國之不祥是謂天下

王君能引過自與代民受不正言若反此乃正直之言世

任契第七十九

和大怨殺人者死傷人必有餘怨任刑者失人情必安

可以為善言一人吁嗟則失天心是以聖人執左契

古者聖人執左契合符信也無文書法律刻契合符以為信也而不責於人但刻契之信不責人

以他有德司契有德之君司契契信而已無德司徹無德之君皆其事也

天道無親常與善人天道無有親疎唯與善人則與司契者也

獨立第八十

小國寡民聖人雖治大國猶以為小儉約不奢使有什

伯使人各有部曲什伯貴賤不相犯也人之器而不用器謂農人之器

使民重死君能為民興利除害各得其所則民重死而貪生也而不遠徙奪人良時也

雖有舟輦無所乘之政令不煩則安其業故不遠徙徙離其常處清靜無為清靜無為不作

雖有甲兵無所陳之煩華不好出大游娛也使民復無怨惡於天下

結繩而用之去文反質甘其食甘其蔬食不漁食百姓也美其

獨立

服

美其惡衣不貴五色

安其居

安其茅茨不好文飾之屋

樂其俗

樂其質朴之俗不轉

移也

鄰國相望雞狗之聲相聞

相去近也

民至老

不相往來

其無情欲

顯質第八十一

信言不美

信者如其實不美者朴且質也

美言不信

滋美之言者孳孳華詞不信者飾偽

多空虛也

善者不辯

善者以道修身不綵文也

辯者不善

辯者謂巧言也

也山有玉掘其山水有珠濁其淵辯口多言亡其身

知者不博

知者謂知道之士不博者守一元也

者不知

博者多見聞不知者失要真也

聖人不積

聖人積德不積財有德以教愚有財以與

也貧也 既以為人已愈有

既以為人施設德化己愈有德

既以與人已愈

多

既以財賄布施與人而財益多如日月之光無有盡時也

天之道利而不害

天生

萬物愛育之令長
大無所傷害也
與下爭功名故
能全其聖功也

聖人之道為而不爭

聖人法天所施
為化成事就不

音註河上公老子德經終



